

玄門朝科

玉皇朝

《主科》三跪九叩

## 清壇讚

琳琅振響 十方肅清 河海靜默  
山嶽含煙 萬靈鎮伏 招集群仙  
天無氛穢 地無妖塵 冥慧洞清  
大量玄玄

《主科》放下手爐

轉取朝簡

# 淨水讚

天泉一派流河海淵澄

指揮法界無垢塵

帝闕巍峩通傳奏清淨瑤壇  
大聖清淨智海天尊大天尊

《主科》放下朝簡 轉取水杯

## 敕水文

竊以水者崑崙孕秀河漢流芳蓮花香  
裏波寒楊柳枝頭甘露洒遍蓬島三山  
對浥曹溪一帶長流鼓祥風而玉聚千  
江汎濫而艮兌四瀆禹門春暖透千層  
北海秋風傳萬里蕩萬劫之昏濛永護  
一切之清淨去穢真言謹當奉誦七寶  
池中功德水河沙諸仙法運通我今灌  
洒誦真言能使會筵嚴潔淨

《主科》用劍指寫 天一生水

## 淨水讚

清清法水 日月光華

中藏北斗 內隱三台

神水洒穢 濁去清來

常清常淨大天尊

## 淨天地咒

天地自然 穢氣分散 洞中玄虛  
晃朗太玄 八方威神 使我自然  
靈寶符命 普告九天 乾羅怛那  
洞罡太玄 斬妖縛邪 度鬼萬千  
中山神咒 元始玉文 持誦一遍  
卻鬼延年 按行五嶽 八海知聞  
魔王束手 侍衛我軒 凶穢消散  
道炁常存 急急如律令

（常清常淨天尊）

《主科》放下水杯 轉取朝簡

# 玉皇朝

太極分高厚 輕清上屬天  
人能修至道 身乃作神仙  
行已三千數 時登四萬年  
丹臺開寶笈 金口永流傳

玉皇賜福天尊

（三稱）《主科》揖

《主科》三跪九叩

## 吊掛

稽首虔誠拜昊天 昊天今日赴經筵  
經筵裏面祥光現 光現壇中寶珠懸  
珠懸碧落朝元始 元始說法度群仙  
群仙踴躍朝太上 太上彌羅無上天

金容玉相天尊（三稱）《主科》揖〔跪〕



# 主白

伏以堂陞維嚴 覩天顏之咫尺  
神明在上 鑒人意之翹勤 而今  
恭啟瑤壇 宏開法席 金爐馥郁  
祥烟結五色之雲 玉燭輝煌 寶  
炬散六花之瑞 竊恐下昧 難格  
高真 欲迎聖駕以來臨 願達愚  
衷之至禱

〔起〕

《主科》放下朝簡

轉取手爐

## 主吟

一炷真香靄神京 身心逕達九重城

## 二接

遙瞻天闕鑾輿降 鳳舞龍飛下御庭

## 三接

恭叩瑤壇

某

朝如法

《主科》放下手爐

轉取朝簡

〔跪〕

# 主吟

九天之上 謂之大羅  
玉京金闕 雲層巍峩  
中有天帝 仁慈惠和  
至道無敵 降伏衆魔

## 弟子係

太上混元道德門下清靜真一不  
二法門嗣派全真演教叨行科

範事 焚修弟子衆等 謹領醮  
信人等 誠惶誠恐 稽首頓首  
薰沐焚香 虔誠上啓

虛無自然大羅三清三境三寶

天尊

太上開天執符玉曆含真體道

金闕雲宮萬道無為通明大

殿昊天至尊玉皇上帝

萬雷法主天皇大帝  
萬星教主紫微大帝  
承天效法上皇大帝  
南極統天元聖大帝  
光嚴妙樂國王聖父天尊  
寶月光皇后聖母元君  
金闕內宮妃嬪聖眷聖師元君

高上層霄九宸上帝十方太上

靈寶天尊

祖師萬法教主仁威玄天上帝

高明大帝降魔護道天尊

慈悲大帝度人無量天尊

神功妙濟淨明普化天尊

都天宗主一元無上真君

九天司命上卿三茅應化天尊  
東華紫府輔元至極大道帝君  
正陽開悟傳道垂教帝君  
純陽演政警化孚佑帝君  
海蟾明悟宏道純佑帝君  
重陽全真開化輔極帝君  
南宗五祖闡道天尊

七真演化天尊

通明天殿無鞅聖衆

侍香金童傳言玉女

天下名山洞天福地古今得道

列位仙真

先天一炁正大天君

張葛許薩四大真君



鄧辛張陶四大雷神  
龐劉荀畢四大元帥  
馬趙溫岳四大天君  
田崔季孟四大將軍  
康陳高曾四大元帥  
鄭蕭楊耿四大將軍  
朱宋許鐵四大元帥

方殷車劉四大將軍

三界功曹四值符使雲空過往

糾察威靈

悉仗真香 普同供儀

# 弟子聞

大羅天帝 太極聖皇 化育群生  
統御萬物 渺渺黃金寶闕 巍巍白  
玉仙京 若虛若實 不言默宣大化  
是空是色 無為役使群靈 時乘六  
龍 遊行不息 氣分四象 斡旋無  
邊 乾健高明 萬類善惡悉見 玄  
範廣大 一算禍福立分 上掌三十

六天 三千世界 下握七十二地  
四大部洲 先天後天 並育大慈父  
古仰今仰 普濟總法宗 湛寂真道  
恢漠尊嚴 變化無窮 屢傳寶經以  
覺世 靈威莫測 常施神教以利生  
弟子忝列玄門 空有玷於宗風 職  
濫焚修 能無瀆乎怠慢 悔過自新  
理宜祈懺 注想金容 高登寶座〔起〕

《主科》三跪九叩

## 小讚

玉皇心印 無上靈文 三卷  
五品制乾坤 至真大法輪  
拔度人天 脫化超古今

《主科》放下朝簡 轉取手爐

## 主吟

玉皇修真在香岩  
普放神通十七光

## 二接

為教衆生除斷障  
法門不二廣宣揚

《主科》放下手爐 轉取朝簡

# 大讚

志心皈命禮 金闕玄穹主 高上  
玉皇尊 諸佛聖師 萬天帝主 演  
三卷五品之妙法 周十號萬德  
之洪名 放十七大光明 示三十  
種功德 拔度生死 運化古今 一  
萬二千三十字 洞玄靈寶 高  
上玉皇 本行集經 志心信禮 高  
上高上玉皇尊玄穹高上帝

〔跪〕

# 主白

向來葵藿之殷 諒蒙鑒格  
今者香花羅列 妙範宣揚  
塵凡之下 無以抒誠

具有<sup>某</sup>朝表文 謹當敷奏<sup>入意</sup>

《主科》放下朝簡

轉取意文



〔誦〕

真心清靜道為宗  
譬比中天水月同  
淨掃浮云無點翳  
一輪光滿太虛空  
天尊德相難盡讚揚  
今有<sup>某</sup>朝意文披宣  
伏望諸大天尊俯垂洞鑒

〔打魚兩聲〕

示意全體俯伏〕

意文

太上混元道德清靜真一不二法門嗣派全  
真演教叨承科範事 加國溫哥華三清觀

衆弟子等

誠惶誠恐稽首頓首俯伏百拜 上言

伏以 玉燭輝騰在至誠而可格 金爐香靄  
惟精潔以能通用展蕪詞上陳葵意、今奏

為（三清觀地址）三清觀

衆弟子等

敬求消災保安

集福迎祥事、設供玉皇朝朝科全堂 本觀

衆弟子等

暨合醮信人等、同誠焚香叩干、聰聽

竊念衆等生逢盛世、運際昌期、感天地覆  
載之深仁、荷 日月照臨之厚德、沾恩有自

報答無由、謹于本月吉日吉刻、恭就本觀、  
鋪設瑤壇

朝禮 諸天列聖高真 上奉

高真下迎景貺 弟子等 謹領誠詞依科宣奉

虔具香花品供、凡儀百拜上奏

大羅三清三境三寶天尊

玉皇大天尊玄穹高上帝

太上三元三品三官大帝

聖德巨光天后圓明道姥元君

萬星教主中天紫微大帝

南宸北斗六司七元列聖星君

南上司祿延壽益算度厄尊神

三台華蓋星君

東嶽天齊威權自在天尊

太乙救苦天尊青玄上帝

九天應元雷祖應化天尊

北方真武玄天上帝

忠義仁勇關聖帝君

九天開化文昌帝君

護國庇民天后聖母元君

開悟傳道正陽垂教帝君

燮元贊化純陽孚佑帝君

南宗北派列聖仙真

萬地教主后土皇靈神祇

玄門護法太乙雷聲應化天尊

暨 諸天列聖仙真

恭望

鴻慈俯垂 洞鑒〔打魚兩聲 示意全體俯伏經生回復

跪誦姿勢〕伏願鑒茲葵藿之忱錫以方來之福

俾令衆等星庚光彩鴻運亨嘉 凡在

光中全叨巨庇謹表以聞

天運×年×月×日

有某朝表文具

〔登寶座〕 《主科》揖

《主科》向意文虛書〔勅令上奏昊天通明宮〕

《主科》放下意文 轉取朝簡

情悃已露 聰聽必聞 恭望鴻慈  
俯垂洞鑒 修香奉請 三界值符  
使者 四值玉文功曹 速降壇前  
真香已獻 禮不再周 既受殷勤  
之請 休辭傳奏之勞 再有護表  
關文 謹當宣讀 關文宣白已周  
神聽無私 諒垂洞鑒 具有<sub>某</sub>朝  
表文 恭送天階 仗憑火化

〔起〕

功曹土地神之最靈  
昇天達地出幽入冥  
為吾傳奏不得留停  
有功之日名書上清

《主科》三跪九叩

香花送 使者奏蒼穹 早登程  
寶馬金鞍空裏現 紅雲繚繞  
亂縱橫 足下彩雲生 霞光捧  
奏事預叮嚀 上達天宮並霄  
漢 次臨昊天通明宮 使者早  
登程 禮拜香花送



|      |                        |      |      |      |      |      |                        |
|------|------------------------|------|------|------|------|------|------------------------|
| 一切信禮 | 一如誥命                   | 普天安慶 | 龍虎騎吏 | 流光大鈴 | 倘遏表文 | 罡風九醜 | 黃中策氣                   |
| 志心稱念 | 風火驛 <small>亦</small> 沖 | 飛符太空 | 直奏雲宮 | 照徹黃中 | 擒送羅豐 | 浩氣群凶 | 馘滅邪崇 <small>隙睡</small> |

《二手》開腔

飛雲捧送天尊

不可思議功德

《主科》放下朝簡

轉取手爐

三跪九叩

某

朝功德 不可思議 諸天諸

地轉靈機 國運與天齊 大道

慈悲 萬化樂雍熙

《主科》放下手爐

轉取朝簡

〔打魚兩聲

示意全體收經〕